

WES-KAAPSE BEGROTING 2012

“BETER SAAM” GEREALISEER

Met **Begroting 2012** is ons in staat om **meer geleenthede te bied**, wat - indien iemand soos jy **dit benut** - ons op die pad na **ekonomiese groei** en **werkskepping** plaas.



Tweederdes van die totale begroting word op GESONDHEID en ONDERWYS spandeer

Onderwys

Ons sal ons inisiatiewe versterk om geletterdheid en syferkundigheid in laerskole te verbeter; die aantal matrieks wat matriek slaag, te laat toeneem, en die algemene gehalte van hul eindksamen te verbeter; die aantal onderpresterende skole te verminder; elke kind vanaf Graad 1 tot Graad 12 met 'n teksboek vir elke vak te voorsien; en topgehalte Graad R-programme by gewone openbare skole te voorsien.

U moet seker maak u kind werk hard om te slaag.

Gesondheid

Ons sal die voorkoms van beserings en aansteeklike siektes soos MIV en VIGS en TB verminder, en vroue- en kindergesondheid verbeter. Ons het ook die Khayelitsha Hospitaal voltooi en bou 'n hospitaal in Mitchellsplein.

U moet 'n gesonder lewenstyl handhaaf en altyd veilige seks beoefen.

Infrastruktuur projekte

Ons sal werkskepping aanmoedig en ons ekonomie versterk deur ons meer-jarige, dinamiese kapitaalbeleggingsprogram:

- Drie vernuwingsprojekte in die stad: R149.50 miljoen bydrae tot die Stigterstuin/Kunstekaap-stadsgebied, R156.65 miljoen bydrae tot die ontwikkeling van 'n regeringskompleks in die SSG en R103 miljoen bydrae tot die ontwikkeling van die Somerset Hospitaal-kompleks.
- R161.79 miljoen bydrae tot die verdubbeling van die

- Kaapstad Internasionale Konvensiesentrum (KIKS) in samewerking met die Stad Kaapstad en die privaatsektor.
- Bykomende R300 miljoen bydrae tot paaie infrastruktuurprojekte:
 - 'n Nuwe afdelingspad tussen Gansbaai en Bredasdorp om toerisme langs hierdie besienswaardige roete te verhoog.
 - Beplanning van nuwe brûe by die Wingfield-wisselaar.
 - Beplanning van 'n nuwe padnetwerk rondom die Saldanhabaai Nywerheidsontwikkelingsone.
- R31.69 miljoen bydrae tot die skep van 'n telekommunikasie-breëbandprojek om breëbandtoegang te verskaf aan elke skool, elke provinsiale en elke munisipale regeringsfasiliteit in die Wes-Kaap, en uiteindelik vir elke burger, terwyl die koste van breëbandtoegang vir sakelui ook sal verminder.

U en u besigheid moet elke geleentheid gebruik om die ekonomie te laat groei.


Verbetering van ons gemeenskappe

Ons sal maatskaplike insluiting bevorder en armoede verminder deur:

- Befondsing van maatskaplike ontwikkelingsprojekte wat fokus op kinders, die jeug, ouer persone en middel misbruik.
- Fokus te plaas op skoolsport, na-skoolse programme en biblioteke in armer gemeenskappe.
- Bevordering van veiligheid deur sekuriteitsvennootskappe.
- Vermindering van sterftes wat deur padongelukke veroorsaak word.

U moet u gesondheid oppas en nooit drink en bestuur nie.

Die totale begroting vir 2012/13 is R39.885 biljoen.



*Ander departemente: Premier, Provinsiale Tesourie, Gemeenskapsveiligheid, Omgewingsake en Ontwikkelingsbeplanning, Landbou, Ekonomiese Ontwikkeling en Toerisme, Kultuursake en Sport, Plaaslike Regering.

ONS KAN SAAM DIE WES-KAAP BETER MAAK



Wes-Kaapse
Regering

BETER TESAME.